

Zajedničko opredjeljenje za napredak



Bosna i Hercegovina može postignuti veći napredak u predstojećem periodu ukoliko u politici prevladaju dijalog i kompromis, što bi ubrzalo budućnost zemlje u euro-atlantskim strukturama, kazao je danas visoki predstavnik Valentin Inzko.

Visoki predstavnik je govorio na sastanku sa ministrom vanjskih poslova Austrije Michaelom Spindeleggerom i ministrom vanjskih poslova Slovenije Karlom Erjavecom, koji je održan u OHR-u.

Visoki predstavnik je kazao da bi formiranje Vijeća ministara, čak i nakon velikog odlaganja, usvajanje zakona o državnoj pomoći i popisu stanovništva te dogovor među političkim liderima da riješe pitanja državne imovine i imovine obrambenih struktura, moglo biti pokazatelj da se dugi i štetni period političkog zastoja konačno privodi kraju.

On je pozvao na „zajedničku viziju za cijelu zemlju i zajedničko opredjeljenje za napredak u približavanju EU i NATO-u.“